

# Oilwatch Azia-Sudeste

## Deklarasaun Konjunta

Dili, Timor-Leste, 28 Jullu 2010

*Kontaktu: Clemente Bautista Jr. Koordenador (Oilwatch Azia Sudeste no Kalikasan PNE/Philippines, entengi2@yahoo.com.ph), Andrie Wijaya (JATAM/Indonesia, andrie@jatam.org), Juvinal Dias (La'ó Hamutuk, juvinal@laohamutuk.org 734-8703)*

Oilwatch Azia-Sudeste nudar rede sosiedade sivil no organizasaun komunitariu ida iha Burma, Indonesia, Filipina, Thailandia no Timor-Leste hodi servisu atu prevene impaktu negativu husi eksplorasaun, ekstrasaun, produsaun no prosesamentu ba kombustivel fosilu. Rerezentante Oilwatch Azia-Sudeste halo enkontru semana ne'e iha Dili atu fahe informasaun kona-ba situasaun iha ida-idak nia nasaun, planu aktivdade rejional nian iha futuru no ekspresa solidaridade ho povo Timor-Leste hodi lao ba oin atu luta hodi maximiza benefisiu husi sira nia rekursu mina-rai no gas, **aleinde evita estragus husi dezvoltamentu petroleu ne'ebe sai kauza iha nasaun Azia-Sudeste sira seluk.**

Ami fahe preokupasaun komun kona-ba impaktu husi aktivdade industria petroleum nian, **ne'ebe halo dezastre ambiental iha rejiaun ne'e nia laran, no mos abuzu ba** direitus umanus hanesan hadau rai no relokasaun obrigamente husi projeitu gas natural iha Burma; halakon fontes rendimentu sira no korupsaun iha Indonezia; manipulasaun ba politika enerjetika iha Filipina husi Instituisaun Finanseiru Internasional (IFI) no korporasaun multinasional sira; no problema saude nian husi polusaun petrokimika **ne'ebe maka'as iha Thailandia.** Iha ita nia rejiaun no mundu tomak, povo aumenta bebeik konfronta ho kriza seguransa enerzia no mudansa **klimatika. Buat hirak ne'e** no mos asuntu sira seluk atu mosu ona iha Timor-Leste bainhira atu haluan eksploitasaun ba repozitu mina-rai no gas, espesialmente hafoin **aktivdade sira ne'e hahu'u iha rai-maran.** Karik Timor-Leste ho susesu hodi jere **obstaklu sira ne'e no evita malisan rekursu**-iha relasaun ho problema sira, Timor-Leste presiza duni atu aprende husi eksperiena husi nasaun sira seluk no obriga kompania mina-rai, Governu, IFI no instituisaun multilateral sira atu respeita direitu povo, comunidade sira no jersaun futuru Timor-Leste.

Timor-Leste nudar nasaun ida ne'ebe depende liu ba eksportasaun mina-rai iha mundu, no sidadaun Timor-Leste barak mak espera katak riku-soin petroleu naun-renovavel nian sei gasta ba servisu publiku nian no hadiak povo nia moris ohin no

aban-bainrua nian. **Sira mos espera katak ida ne'e sei sai makina ida** iha dezenvolvimentu ekonomia naun-**petroleu nian ne'ebe** sei suporta ekonomia hafoin mina-**rai no gas hotu ona iha dekadu balun tan. Maske nune'e, iha Burma,** Indonezia, Thailandia no Filipina, la realiza promesa katak mina-**rai no gas** sei hadiak povo nia moris, no Timor-**Leste bele aprende husi esperiensa sira ne'e. Ami** preokupa ba Timor-Leste kona-ba atu halo aprovasaun ba perfurasaun iha tasi **ne'ebe klean,** esperansa atu lori kadoras gas Greater Sunrise nian no planta LNG iha rai-maran no planu atu harii refinaria, suply base no fabrika petrokimika nudar **"Koridor Petroleu"** ida iha kosta sul. **Nasaun ida ne'e gasta barak ona nia rendimentu** mina-**rai nian ba projeitu sira ne'ebe sei fo benefisiu tempu naruk oituan ba nia** sidadaun sira, no konsidera hela atu halo deve ida **ne'ebe sei halo gastus** Timor-Leste nian sei aumenta tan.

Iha ami nia nasaun sira, **aktividade no politika hanesan ne'e aumenta pobreza,** represaun, sofrementu, injustisa, muda obrigatoriumente, degradasaun ambiental no violasaun ba direitus umanus. Timor-Leste nudar nasaun foun ida, enkuadramentu legal no instituisaun regulador sira seidak dezenvolve no laiha eksperiensa. Oilwatch Azia-Sudeste husu ba Timor-Leste atu labele kopia failansu husi ami nia **nasaun sira ne'e, maibe atu lao ho kuidadu iha eksploitasaun ba kampu mina-rai** no gas iha Timor-Leste, nafatin atu relembra hodi **tau interese povo ida ne'e nian,** espesialmente labarik sira iha primeiru. Rekursu Petroleu nian tenke dezenvolve deit **bainhira rekursu sira ne'e bele fo** bensaun, laos malisan.

Aprezentasaun husi enkontru rejional Oilwatch Azia-Sudeste nian iha Dili, bele hare iha <http://www.laohamutuk.org/Oil/Oilwatch/10OilwatchSEAJul2010.htm>.

Ho solidaridade hamutuk povo Timor-Leste,

- Arakan Oil Watch, Burma
- Central Visayas Fisherfolk Development Center Inc., Filipina
- Ecological Alert and Recovery – Thailandia.
- JATAM, Indonesia
- Kalikasan People's Network for the Environment, Filipina
- **Timor-Leste Institute for Development Monitoring and Analysis (La'o Hamutuk)**